

Tudi ne Muakuidi Munene

Bualu bua tuetu tudi ne muakuidi munene wakupita mulu onso, Yesu Muana wa Nzambi mene, tulamate dijukula dia ditabuja dietu. Bualu bua katuenta ne muakuidi munene udi kayi mumanye mua kukenga netu mu matekete etu, kadi tudi ne umue wakuteyibua mu malu onso muomumue atudi tuteyibua nawu, kayi ne bubi. Nunku, tusemene ne dikima pepi ne nkuasa wa butumbi wa ngasa, bua tuetu tupete luse ne bua tusangane ngasa bua kutukuatshisha mu tshikondo tshia dikengela dietu.

(Ebelu 4:14-16)

Katataka kudi Yeye udi mumanye mua kunulama bua nuenu kanulenduki, ne udi mua kunuteka kumpala kua butumbi buende ne disanka ditamba bunene, kanuyi ne tshilema; kudi Nzambi umue umuepele, Musungidi wetu, bua Yesu Kilisto Mukelenge wetu, kuikale butumbi ne buneme ne bukokeshi ne bukole, kumpala kua bikondo bionso ne katataka ne tshiendelele. Amen.


(Yuda 24,25)

© C.E.R.S. - B.P. 1673 Kananga

République Démocratique Du Congo

Email: 33eme.cers.lit@gmail.com

<http://www.33eme-cers.org/>



Nudi nutshinyina tshinyi?

Pakamba diba kupueka, Yesu wakambila bayidi bende ne, Tuyayi dishiya. Bakashiya bantu ba bungi, bakaya nende mu buatu, anu bu muakadiye. Matu makuabo akadi nende. Tshipupu tshikole tshiakalua, mavuala akabuela mu buatu, buatu buakadi buula tente ne mayi. Yeye wakadi ku tshitaku tshia buatu, musame pa musamu, mulale tulu; bakamubisha, bakamukonka ne, Muyishi, udi witabuja tufue, anyi? Yeye wakabika, wakabulukila lupepele, wakambila dishiba ne, Pua, talala talalaa. Lupepele luakalekela, muaba awu wakatalala talalaa. Yeye wakabakonka ne, Nudi nutshinyina tshinyi? Kanuena ne ditabuja too ne katataka? Bakatamba kutshina, bakambilangana ne, Ewu muntu kayi? Lupepele ne mayi a dishiba bidi bimumvuila.

(Mako 4:35-41)

Kutshinyi

Bua bualu ebu muntu yonso udi unanga Nzambi akulombe mu tshikondo tshidiye mumanye mua kukusangana; bulelela, palua mayi manene kupasalala, kaena afika pa buipi nende. Wewe udi tshisokomenu tshianyi; neundame bua tshikadi ne dikenga; neunnyunguluke ne misambu ya lupandu.

(Musambu 32:6,7)

Nzambi udi wamba ne, Kutshinyi, bualu bua ndi nebe

Kukenzakanyi bua buowa nansha, bualu bua ndi Nzambi webe; nenkukoleshe, bulelela, nenkukuatshishe; bulelela, nenkujadike ne tshianza tshianyi tshia balume tshia buakane buanyi.

(Yeshaya 41:10)

Nengikale nebe ... tshiena nkulekela, tshiena nkushiya nkayebe. Tshiaku-kuambila, anyi? Ikala ne bukole ne mutshima wa dikima; kutshinyi, kukuatshiki buowa, bualu bua Yehowa, Nzambi webe, udi nebe kuonso kuwaya.

(Yoshua 1:5,9)

Wewe Nzambi, umvua muadi wanyi, teleja matshu ku kulomba kuanyi. Kunfudilu kua buloba ndi nkuela diyi dianyi, papanga mutshima wanyi. Undombole ku dibue didi dintamba kulu bualu bua wewe udi tshinyemenu tshianyi, udi tshibumba tshikole kumpala kua badi nanyi lukuna.

(Musambu 61:1 -3)

Bikala Nzambi netu, nganyi udi mumanye mua kutupumbisha?

Yeye kakimina Muana wende mene, kadi wakamufila bua buonso buetu, munyi muapidieye kutupa nende kabidi bintu bionso patupu?

(Lomo 8:31,32)

Udi mua kutupandulula ku dinanga dia Kilisto nganyi? Ntatu idi mua kuenza nunku, anyi kanyinganyinga, anyi tshinyangu, anyi tshiole, anyi butaka, anyi njiwu, anyi muele wa mvita? Mbu muakafundabo ne, Bua bualu buebe tudi tushipibua dinda too ne ku dilolo; tudi tubadibua bu mikoko yakushipibua. Nansha; mu malu aa onso tudi tutamba kupita bualu bua bukole bua Yesu wakatunanga. Bualu bua ndi ngitabujijibua ne, Kakuena lufu, kakuena muoyo, kakuena banjelo, kakuena bakokeshi, kakuena malu atshidiku, kakuena malu atshilualua, kakuena makelenge, kakuena bule, kakuena ndondo, kakuena tshintu tshionso tshikuabo tshifukibua tshidi ne bukole bua kutupandulula ku dinanga dia Nzambi didi mu Kilisto Yesu Mukelenge wetu.

(Lomo 8:35-39)

Muananyi, ditabuja diebe diakukupandisha, ya biebe talala

(Luka 8:48)

Mu musoko muakadi mukaji mubi ... pakadiye muimane ku makasa a Yesu kunyima kuende udila, wakabanga kubolesha makasa ende ne binsonshi biende, wakaakupula ne nsuki yende, wakatua mishiku ku makasa a Yesu ... Yesu wakamba ne, Mibi yende idi ya bungi, yakujimijibua; bualu bua yeye wakadi ne dinanga dia bungi ... Yeye wakambila mukaji ne, Ditabuja diebe diakukusungila, ya biebe talala.

(Luka 7:37-50)

Muntu mubi alekele kuenda mu njila wende mubi, udi kayi muakane alekele meji ende mabi; apingane biende kudi Yehowa, Yeye neamufuile luse; ne kudi Nzambi wetu, bualu bua Yeye neatambe kumubuikidila mibi yende. Bualu bua meji anyi kaena meji enu, ne njila yenu kayena njila yanyi.

(Yeshaya 55:7,8)

Disanka didi kudi muntu udi ne ditomboka diende diumushibue, ne udi ne bubi buende bubuikidibue!

(Musambu 32:1)